



ORIENTERING OM ADRESSEPROSJEKT I SELJE KOMMUNE



Tildeling av vegadresser i Selje kommune

Kommunestyret har i møte 14.09.2017 sak 63/17, vedteke at det skal tildelast offisielle vegadresser i heile kommunen.

Det er mange og store fordelar med presise adresser, både ved utrykking, distribusjon og også anna offentleg og privat tenesteyting.

Kort om kommande prosjektarbeid med tildeling av vegadresser:

- Plan og utvikling (PUT) vil utføre det administrative arbeidet. Reidar Sandviknes er prosjektleder.
- Planutvalet og kommunestyret gjer nødvendige vedtak undervegs.
- Det er valt ei namnenemnd som skal vere rådgjevande organ i arbeidet.
- Høyring: Før kommunestyret gjer endeleg vedtak, vert forslaga om vegparseller (adresseparseller) og adresser lagt ut til offentleg høyring.

Arbeidsgangen :

- Inndeling av adresseparsellar: PUT / Namnenemnda lagar eit forslag om korleis vegnettet skal delast inn, dvs. kvar skal vegen starte og slutte i høve namnet den får. Kartverket er samarbeidspart her. Forslag til adresseparsellar vert lagt ut på heimesida.
- PUT/namnenemnda startar arbeidet med namneforslag til parsellane. Norsk språkråd er samarbeidspart i dette arbeidet.
- **Medverknad:** Privatpersonar/bygdslag kan allereie no og heilt fram til offentleg høyring, komme med namneforslag på vegar, kulturverdiar og lokale stadnamn, m.m. Dette kan sendast til post@selje.kommune.no eller sendast i brevpost til Selje kommune, 6740 Selje.
- **Stad kommune:** Vi vil samarbeide med Eid kommune i adresseprosjektet.

Valt namnenemnd er: John Leikanger, Marita Aarvik, Terje Ødegård, Veronica Hatlenes, Sigbjørn Hjelle.

Vara: Henrik Aaland, Hanne Marie Utvær

GENERELT OM ADRESSEPROSJEKT.

Kva er ei offisiell adresse?

- Ei adresse som seier kvar staden ligg.
- Eit vegnamn, adressenummer og eventuelt eit bustadnummer og eventuelt adressetilleggsnamn.
- Adressa skal hjelpe publikum, redningstenester og andre å finne fram.

Kva er eit adresseobjekt?

- Alle faste bustader, bedriftslokale, fritidsbustader og i mange tilfelle tomter vert definerte av lovverket som eit adresseobjekt.
- Adresseobjektet vert tildelt ei offisiell adresse sett saman av adressenamn, adressenummer og eventuelt adressedilleggsnamn.
- Er det fleire einingar med same ytterdør, nyttar ein i tillegg eit husværenummer.

Kva er eit husværenummer?

- I bygningar med fleire husvære med felles inngang, skal kvart husvære ha eit eige husværenummer.
- Ved flytting til eller frå ein bustad med husværenummer, gjev ein dette nummeret til Folkeregisteret i tillegg til vegadressa.

Kva er eit adressedilleggsnamn?

Når adressa gjeld eit gardsbruk, kan den som har grunnboksheimel til eigedomen (eigar) kreve at den offisielle adressa også skal omfatte garden sitt bruksnamn, dersom namnet fell språkleg og geografisk saman med eit nedarva stadnamn, jf. lov av 18. mai 1990 nr. 11 om stadnamn. Dette gjeld då såkalla "kulturhistoriske bruksnamn". Også namn på særleg kjente institusjonar eller bygningar kan være med som slikt adressedilleggsnamn dersom allmenne omsyn taler for det.

Kva er skilnad på offisiell adresse og postadresse?

- Ei offisiell adresse er staden adressedeininga er plassert.
- Postadressa er leveringsadressa for post og inneheld i tillegg til vegadressa også eit postnummer og eit poststadnamn. Postadressa kan også vere ein postboks (postboks og nr. i staden for veg-/gateadresse).
- Om ikkje anna er avtalt med Posten, er difor den nye vegadressa no også ny postadresse saman med postnummer og poststadnamnet.

Val av offisielt adressenamn

- Kommunestyret eller underordna politiske organ deler inn vegnett og avgrensar område (t.d. ei øy) i adressedeingsparcellar.
- Kommunestyret vedtek vegnamn og områdenamn (adressedeingsparcellnamna).
- Kommunen prøver så langt det er råd, å ta vare på kulturverdiar i lokale stadnamn. Det skal og takast omsyn til munnleg bruk av namna slik at ein unngår forvekslingar ved oppringing til redningsinstansar, tinging av transporttenester med meir.
- Før politiske organ i kommunen gjer sine vedtak, vert sakstilråding lagt ut til offentleg høyring.

Korleis vert nummer tildelt?

- Kommunen tildeler adressedeingsnummer og husværenummer.
- Hovudregelen er at hus på høgre sida av vegen får oddetalsnummer og husa på venstre sida får partalsnummer.

- Ved spreidd busetnad nyttar ein avstandsnummerering der det vert sett av eit adressenummer per 10 meter veg. Til dømes får eit hus som har avkøyring på høgre side 2570 meter frå startpunktet, adressenummer 257. Ligg huset på venstre sida får det nr. 258. Ligg avkøyringa 18 km frå startpunktet, får huset adressenummer 1800 om det ligg på venstre sida og 1801 om det ligg på høgre sida av vegen sett frå startpunktet.
- Der adresseparsellen er eit område, vil nummereringa gå fram av skilt på staden.

Skilting av adressene

- Adressene skal skiltast slik at ukjende skal finne fram også når det er mørkt.
- Kommunen har ansvaret for å setje opp og vedlikehalde adressenamnskilta.
- Kommunen har og ansvaret for å setje opp tilvisingsskilt ved sidevegar/ stiar.
- Huseigar har ansvar for å skilte adresseininga.
- Skilta skal vere utforma i samsvar med gjeldande standard og plassert slik at dei er godt synlege.

Melde frå om ny adresse

Huseigar har plikt til å informere leigetakar. Du må sjølv informere andre som treng vita om adressa di.

Endring av offisiell adresse

Kommunen kan endra tildelt(e) adresse(r). Dette vert gjort etter retningsliner i regelverket og når kommunen finn det nødvendig.

Ei adresseendring er eit enkeltvedtak på line med adressetildeling og blir varsla på same måte.